

九江府志卷九

物產

九江一高山大川之區也沃衍無多物產非饒矣然天生一區之人必生物於其區以養之惟乘天之時因地之利盡人之力其取資固綽有餘裕耳今舉郡產切於日用者言之穀菽之屬大抵山鄉與洲鄉小異山鄉宜稻有蚤穀晚穀秈穀糯穀白穀赤穀烏穀光穀芒穀諸種當蚤穀已熟未穫之時乘泥種豆信宿即生隨穫稻以扶其苗名曰泥豆有黑麻二種性皆溫補或於穫稻後種蕎麥苦蕎麥不欲虛地力也諸豆諸蔬俱於田畔

九江府志

卷九

地理

物產

地溝及山麓磽瘠處種之不以美壤洲鄉宜粟與黃豆並黍稷葛秫芝蔴諸種通號雜糧近則木棉與雜種各半一以雜糧同時並播艱於人功一以木棉價值收成勝於他產故凡值大有洲鄉視山鄉尤豐有山鄉洲鄉不異者春夏之所種曰薑曰芋曰薯秋冬之所種曰菜曰麥曰豆薑以德化廬山爲上湖邑劍山次之芋有水乾紅白之別薯有紅白尖團之分芋之收倍於稻薯之收倍於芋近有種蕎取葉以沽錢者雖小民取利之計要不若種薯之尤可足食也豆則豌豆蠶豆菜則油菜辣菜蘿蔔菜麥則大麥小麥米麥山鄉以豆其未老者肥田洲鄉以豆

實已成者爲貨或摘油菜炒豌豆炒以供饌而被摘之菜豆遂萎何如待其成而收之之爲愈有山鄉洲鄉迥異者山鄉所在植木果彭邑則棗于苦株丁香柿爲多廬山之栗有大栗尖栗茅栗數種其味尤勝石耳生廬山五老峯之巔取之甚難厥則凡山皆有之洗粉而食可禦飢僅木炭石灰皆取於山惟有關地脈之處則掘窆允宜禁止洲鄉則蓮菱鳧艾之花洵爛滿目其實入食品最佳萸蒿馬蘭白花芹於春仲采之菱筍於夏初采之香美可茹土蝦公於水涸時掘之可以療饑皆產於德化官湖中餘洲亦復不少有五屬相異者布之成於苧葛者

九江府志

卷九

地理

物產

二

曰苧布葛布惟化安瑞有之湖彭不多見楮紙與漆皆出於瑞昌彭澤篋惟德化權關前及楊穴鎮所製者可用土匭出於湖邑綱罾頭網線出於湖邑流芳市抑又聞無名土出於德化濂溪書院嶺麓可以入漆墨竹出於瑞昌相傳蘇東坡謫黃州過瑞邑援筆賦詩灑墨於竹而成湖邑壺中九華石蓄於李正臣家亦以東坡得名前志載之今皆無有始古今物產或殊與有五屬相同者木棉實曰棉花經研彈紡織而爲布一郡盡然棉花惟德化封郭桑落二洲所出核小而絨多彭邑涼亭爲當所出爲盛棉布出於德安者麓曰土布細曰腰機湖邑下鄉家機

布皆佳麻宜於五屬安瑞爲盛化次之湖彭又次之油有四菜  
油出於通屬麻油出於各洲桐油柏油則安瑞爲多茶出於德  
安瑞昌彭澤惟廬山所產味香可啜廬山尤有雲霧茶爲最惜  
不可多得耳有同於他郡而此獨異者若瑞邑所製之黃精廬  
山之石斛九節菖蒲其用尤良而鹽筍鹽椿芽亦競稱廬山之  
產鮰魚似鱮而較大鰻鱧似鱠而較大其味肥美於他郡尤以  
出於湖邑者爲上蟹以團臍爲牝尖臍爲牡經霜則團臍多黃  
出於化湖彭者他郡莫及河豚爲魚之豐味然子有毒能殺人  
凡中其毒者以蘆根汁救之雖亦獲解免究不宜食蛟產於深

九江府志

卷九

地理 物產

三

山大澤爲害最鉅凡郡有大山者皆然而廬山尤甚不可不先  
事豫防也有他郡所無而此獨有者草紙出於德安粗細美惡  
亦不等其細膩而潔白者曰篋于紙湖邑上鄉黃豆小暑時熟  
名曰六月爆紫魚狹小而長形似刀故一名刀魚楊花時始出  
故一名楊花紫味美而多刺次於鱮魚故又名小鱮魚惟湖邑  
所出爲最佳鱮魚形似白鱧河五月間始出魚之極美者出於  
化湖彭三邑魚苗出於德化迴峯磯及湖邑八里江鱮似龍而  
色黃俗名鯉魚大者千餘斤鮪似鱣而小青黑色俗名鱮魚九  
江鱮鯉鮓乃食品之最著者麻魚一名石魚小不及寸烘乾久

蓄其味最美出於德化沙河瑞昌各港彭澤方湖凡此皆物產之可紀者他如爲常產爲通產爲不恒產或無待紀述或無關日用概置之不必作博物志也天山有草木羽毛之蕃衍水有鱗介蘆葦之滋生郡旣介山水之間用之不竭且優游於光天化日家無逋課地有通商山居足於魚澤居足於鹿椒馨以介眉壽羔酒以躋公堂致足樂也則謂郡之地物產豐饒郡之人蓋藏充實也可